

說漫茶羅用五月九月於黑分先令念誦者
殷重供養師然後取吉祥木長十二指加持
一十八編爲欲念誦者作護摩已方引漫茶
羅受灌頂以其曾作先行法者應畫漫茶羅
用五色粉燃成四門門外畫標分曼茶羅爲
三分中取半分爲門當上門以香粉畫佛坐

武六

七末

蓮華右畫觀自在菩薩左畫金剛手菩薩並
坐蓮華上當下門畫聖迦拏忿怒金剛童子
住蓮華上編身光焰四角應畫三股金剛杵
以蛇纏杵并有光焰門門安賢鉢壇中心置
一鉢滿盛香水以細繒帛繫鏹頭各加持一
百八編成金剛水用灌弟子頂灌已一切悉
地皆得現前從此已後繞結契念誦頓集無
量功德所求皆得成就

武六

聖迦拏忿怒金剛童子菩薩成就儀軌經卷上

聖迦拏忿怒金剛童子菩薩成就儀軌經卷中
我今復說作先行法於舍利塔前安本尊像
於三月十五日塗壇隨力供養取沉香搗酥
蜜酪晝夜擲火中護摩一誦一擲爐中若道
場中幡華搖動當知有効驗即於晨朝供養
三寶七日獲得財寶榮官皆得稱意及得珠
玉七寶等
又欲令空中出火者視望空誦真言二十一
編意念即空中火出
又欲雨者觀虛空誦二十一編即降甘雨取
雨水獻佛已後所作皆成
又欲空中雨華者觀虛空誦二十一編即於
空中雨種種華
又欲令若男若女歡喜者以安息香作丸誦
二十一編一稱彼名投火中即得歡喜
又加持菖蒲二十一編口中含共人論議皆
得勝

大興善寺三藏沙門不空譯

武七

又若毗那夜迦相逼惱作障難者纔憶念真言一切皆消散若常念誦不間注意於彼障者并親族皆自滅壞

又法從黑月一日起首對像前每日三時念誦真言時別一千八徧燒安息香丸護摩至月求所求皆得又對像前以蓮華搘酥蜜駱

誦真言一千徧一擲火中護摩即獲伏藏

又求衣服者於趣海河入水立至胷取有藥華誦真言一千八徧一徧一擲水中即得衣

裳十司

又法迦
脯摩華
搘酥蜜酪
護摩謨
一千八編
一徧一投火中
一切有情皆得歡喜順伏

又法對像前取蘇摩那華溫酥蜜酪護摩於
七日中日三時時別誦真言一千八徧徧徧
一擲火中一切人恭敬得爲邑主

又欲摧伏設咄嚙者取人骨爲橛作彼人形
或畫或捏加持一百八徧釘於心上即得
伏權又欲摧彼設咄嚙令麼囉者取燒屍殘木作

搬磨紫檀香以塗搬上取屍林中帛纏搬釘
彼設咄嚙如前形頭上彼設咄嚙即母駄今
復說畫聖金剛童子像忿形虎皮裙右手把
金剛杵左手作施頭對像於舍利塔前作先
行法已以香華供養此像像前作方爐作增
益法取沈香可長大指節搵酥合油七日日
武七

一丸分與助畔餘三丸以熟金銀薄重重裹
之於口中含即得安怛但那滅影藏形
又欲破佗敵者取華置死人身上然後收取
燒屍殘木然火護摩七日取月黑分或中夜
或日中每時一百八徧對三角爐前面向南
坐稱彼將帥名用前華加持一徧一擲火中

彼軍即破

又欲令淨行婆羅門歡喜者取俱嬾拏迦華
常稱彼名七日內作護摩誦真言投華火中
即得歡喜

又於舍利塔前取牛黃加持一百八徧用點
額所行饅處一切見者皆敬愛歡喜

武七

三

王初

又取骨纏草嫩苗搘酥護摩一千八徧一徧
一擲火中即得一切災難悉皆除滅及增壽命
又法先已降伏者欲息彼苦三時以乳護摩
彼苦則得消除

又欲求聞持不忘日誦萬言者對聖迦拘金

剛像前種種供養於銀器中盛酥取酪法如

下當明念誦乃至相現皆得聞持不忘
又欲得延壽者飲乳食大麥誦真言十萬徧
對摩醯首羅像前取雄黃盛熟銅器中以七
箇菩提樹葉如前上下覆蓋兼施八方天供
養粥誠心念誦或有伴無伴應護自身結甲
胄印念誦乃至三相現若光相壽命萬歲
又欲得敬重者以鐵作輪或三戟叉於舍利
塔前安金剛手菩薩像廣大供養置壇中右
手按上無間斷念誦乃至質質致致聲當知
成就手把叉或輪一切天人即皆順伏敬重
被人如佛又取河兩岸土捏作頭指形安壇
中以金剛杵按上念誦乃至金剛杵及指來
近身當知成已後手把此指欲鈎召天龍八
部若男若女及畜生禽獸等真言句中稱彼
等名迅疾如風即至行者所使所作皆得順
延壽法對像塗壇供養於熟銅器中置牛
黃念誦乃至光出手把即壽五千年
又法取七箇蚯蚓糞泥加持塗圓壇壇上坐

念誦乃至空中有天妙藥下來纔執此藥身如金剛手菩薩

又欲成就華法者取紫檀木雕作開敷蓮華於舍利塔像前念誦乃至光現則變爲持明仙最爲尊貴若至持明仙住洞之處一切天龍八部皆得隨順

又法被毒蟲所齧鬼魅所病或瘧或被毒藥

所中取水加持七徧灑彼或飲即得除愈

又欲縛撲問字一日一夜不食念誦其法即成或童子童女令澡浴著新淨衣塗拭泥圓壇令坐縛問過去未來事加知之此法設令犯四重五無間罪現牛無成就分者由入曼

武七

四

弄

荼羅受灌頂已後念誦現生得一切成就況

具戒行者

又取牛黃末加持一千八徧用點額頭一切

人皆見歡喜若在軍陣刀箭不著身

又法晨朝取水一掬加持七徧飲之食飲不

求自至

又把袈裟角加持二十一徧共人論議皆得勝辭無礙

又法經過賊境一心念誦即不被劫奪傷害又法佉陀羅木灰散彼持誦人彼即持誦無効若欲解時心誦真言一徧即解

又婦人產生取酥一兩加持二十一徧令服

即易產不受諸苦

又欲令惡人歡喜者取臘捏作彼人形安於腔上加持一千八徧暴惡忿怒人皆得敬順歡喜

又對本尊像前獻白華一千八枚即一切恭敬順伏

又持誦者飲乳或食大麥取蚯蚓捏作和修吉龍王形坐彼王上念誦若動搖當知法成

龍王每日供十二人食亦說過未來事

又法從月一日乞食以自存至白月十四日

一夜對像前廣設供養念誦乃至像動即得安怛但那安怛但那成就中最爲尊上心念

武七

五

百味飲食則得壽五千年

又法入恒河立水至胷誦謹十萬徧然後於恒河洲中印沙塔加持即將本尊像置河岸側酥蜜酪相和護摩一切龍即來降伏所處分事皆得成辦

又法乘船入海誦謹十萬徧海龍王即來現

身所求皆得龍獻行者摩尼寶珠受已便爲持明仙即飛騰虛空一切持明仙中爲最尊又法令金銅匠受八戒取熟銅作賢餅於中置少分穀麥等一切種子及諸靈藥金銀七寶等少分塗拭曼荼羅每日三時供養置餅於壇中神通月取一日起首念誦至十五日

無間斷念誦加持餅其餅有光焰現則持闡伽供養聖衆敬謝即取餅置於淨處所須之物內手入餅中所須一切財寶車乘衣服玩具隨所意求皆悉獲得餅中所出物先供養本尊其餅須加持防護不令恐諸魔盜竊餅將去

又法於入海河水立至胷誦真言十萬徧然後印塔或泥或沙則於像前廣設供養用水精作如意寶或用泥作安右掌中結加念誦乃至放光即成如意寶得爲持明仙

又法於舍利塔前安像於神通月十五日像前依法廣供養然燈右手持寶幢幢上繫白

繒垂下念誦乃至放光即得如意幢爲持明仙又法於神通月十五日對像前廣供養取般若波羅密經夾以香泥塗夾以華臘繩供養置於左手加趺坐念誦乃至放光則通達一切佛法無礙解辯爲持明仙徧遊六趣廣利無邊有情至無上菩提

又法飲乳食大麥於大海岸獨樹下一日三時別誦真言一千徧大海中所有珍寶悉皆踊出恣意取之

又法食菉豆於山上誦真言一千八徧則見山中一切金恣意取之

又法加持酥一千八徧與無子息女人喫即

有男女

又法取醍醐加持一百八徧塗身入火不燒
入水不溺若當念誦不被一切毒藥所中

又法作先行法於黑月八日十四日廣大供
養本尊即請僧次供養以雄黃於道場中地
上畫百葉蓮華中坐念誦乃至地烈踊出蓮

華於蓮華葉上有十六持明仙圍遶飛騰虛
空有人若遇見或就者亦得飛騰虛空即此
蓮華變成寶莊嚴宮殿壽命中劫命終得生
淨妙佛國

又加持水一千八徧用溉枯樹即生華果又
於枯涸河中念誦水則盈滿又被水漂溺設

令解浮困乏無力念誦真言則得淺處

又願得僧大眾生歡喜者對像前獻華一千
八枚一誦真言獻一華則得又法取安息香
九用護摩得金千兩

又法對像前以薰陸香護摩七夜別誦真言
一千八徧別一搘火即得伏藏

又欲怨家歡喜者對像前以白芥子護摩七
日日三時時別誦一千八徧別一搘火中
即一切怨家降伏

又法加持油一千八徧塗刀箭傷瘡即差
又取土塊加持七徧擲於水中水中磨竭龜
鼈等皆口噤不能傷人

武七

七

又法以此真言加持一切疾病皆得除愈

又法徧身疼痛或寒熱病一日二日三日或
常患加持油麻油一百八徧或二十一徧用
塗身即愈

又法毗舍遮瘡部多諸鬼魅瘡以真言加持
白縷結索帶之即差

又法取沈香木對本尊像前取犢糞和酥蜜
酪護摩七千徧則有一黃牛來又取犢子糞
和酥蜜酪二萬徧如前護摩其牛必來取其
乳供得千人

又對滿賢大將前取蘇摩那華日燒八千刀
至六月即得金錢千貫

又法供養像從月一日至十五日每日漸加
一僧初請七僧日滿已其像出語告言汝今
成就已後對像念誦所求皆得成就
又法令童女潔浴著新淨衣右合五色線加
持一百八徧繫右臂上即除疾病福德增長
又於趣海河水中取黑油麻以三指頭撮誦

齋取瓦餅底不黑者四枚滿盛水持種種香
種種藥少分置於餅中一一餅誦真言加持
黑分八日早朝鳥未鳴時令男女沐浴對本
尊像前取屍林燒屍火及殘木取茴香華護
摩誦真言十萬徧一擲火中即得飲食無有
窮盡廣應惠施供養

武七

八

真言一徧一擲一撮於水中滿八千徧即得

穀麥豐饒

又每日取有香氣華一百八枚誦真言加持

一徧一獻本尊獲大福

又法取百合莖然火取菖蒲一千八段搗酥

護摩一誦真言一擲火中取灰於額上點即

得安怛但那如一徧不成至第二第三必得

成就

又於菩提樹下夜合樹亦得供養聖者像取牛膝

草搗酥蜜酪護摩一千八徧即得象驢驃牛

水牛等自來隨順驅使又春三月黑分受八

戒於舍利塔前塗壇香華供養日日請僧次

方七肘壇於壇上畫千葉蓮華於蓮華上以如來一碟手凡人一肘量取五種金金銀銅相和銷爲一輪置於華上用種種花供養壇四邊

然酥燈七盞四方置四餅盛香水餅中置七寶少許餅上安俱緣果應燒薰陸香沈香室利吠瑟吒迦香安息香應施四方天食東方

分酥供養及日食如前法中

施梗米酪餅南方施水和梗米餅西方施梗米砂糖餅北方施乳梗米粥對此壇前以波羅奢木然火取牛膝草一千段搣酥護摩先加持七偏然後一編一擲火中牛膝滿以其輪放光手持此輪即得飛騰虛空一切持明

仙皆悉順伏敬事如佛

武七
九
又於白月十五日月蝕時行者受八戒對舍利塔前一日一夜不食取瞿摩夷未墮地者塗一圓壇大小如一牛皮許大取黃乳牛犢子母同色者令童女搆乳酪抨酥取酥七兩置於金銀器中以左手持酥以右手無名指攬酥誦真言加持若暖飲之得聞持不忘日

國界

又欲降伏藥叉者取尼拘陀樹木長十指截搣酥蜜酪護摩一千八偏即伏

又欲伏癩癪鬼吸人精氣鬼取黑羊毛護摩一千八偏彼鬼伏已病者除愈

又欲降伏魔醯首羅者取安息香作一千八

丸搣酥護摩一千八偏一切摩醯首羅所有使者悉皆降伏能成辦一切事

又法取雄黃一兩隨索價用婆羅皂夾木亦蜜相木柴然火燒雄黃如火色已卻收取置熟銅器中以酥澆雄黃上其酥取黃牛母子同色者令童女搆乳卧酪抨酥取酥蜜酪各別

器中盛供養本尊收取雄黃盛於熟銅合子
中俟月蝕時從十三日至十五日三日斷食
對舍利塔前面向北坐取菩提葉七枚四枚
敷合下三枚覆合上無間斷念誦若暖相現
取點額一切人見皆悉歡喜若烟相現則安
但那成就若光相現則飛騰虛空如是依

前法求成就雌黃牛黃安臍那法皆得唯牛
黃法少異於此牛黃法取月十五日於荷葉
中裹牛黃安於二手中合掌無間念誦加持
乃至三相現所獲果報如前

又法以五金作蓮華取鬱金香牛黃龍腦香
研作末取天雨水和爲七丸於舍利塔前安

像念誦以右手按藥乃至放光則飛騰虛空

爲持明仙壽命一萬歲若以真言加持頭冠
臂劍腰條皆得成就如前設令破戒壞行所
爲所作尚得成就何況具戒行者又取犧子
瞿摩夷護摩七日每夜一時誦真言一千八
徧一徧取瞿摩夷少許一擲火中得牛一頭

又法入河中立水至胷取蓮華搘檀香如香摩
誦一百千徧別一擲水中所得伏藏積如
達華

又法取吉祥木一千八段搘酥護摩三日日
三時一千八徧即得財寶豐饒

又法取烏油麻稻穀華相和對像前護摩三
日日三時時別一千八徧別一擲火中即
得家中飲食無盡

又欲得降伏一切龍王者取種種華護摩三
日日三時時別一千八徧即得一切龍降伏

又欲降伏藥叉者對像前取安息香丸護摩
七日日三時時別一千八徧即得一切藥叉

降伏

又法欲召藥叉女者取無憂木准前藥叉護
摩法即得藥叉女來恭敬承事所須一切衣
服飲食及諸財寶隨意恭給

又法對根本像前取沈香木搘酥護摩三七
日日三時時別一千八徧即得一切諸天歡

喜助護災難消滅福德增長

又法若被囚禁夜時澡浴著新淨衣服誦真言一千八編即得解脫

又法若被人瞋怒欲相損害者取油麻護摩一千八編即被人歡喜
又法誦真言加持菖蒲一千八編繫於臂上

於佗人邊出言所求皆得稱意又常念誦於諸怨敵得勝不被侵陵

又法取旗幡以謹一百八編以香華并酪七燒供養旗幡及獻闕伽即持此旗引軍前彼軍見旗自破

又法若城邑被奪應對像前取黃色華七日

護摩日日像前誦真言一千八編一編一擲火中先有城邑被佗所奪即皆卻得
又法作先行法取白芥子七日七夜護摩一月內其宅中雨寶

又法對像前香華供養飲乳食大麥取蓮華莖搘酥護摩一千八編得金千兩

又法取赤蓮華十萬莖護摩十萬編心所願求悉皆得之

又法取白蓮華一萬枚搘酥護摩一萬編即得官祿高遷

又取白檀香搘油護摩十萬編即獲金錢一千枚

又法取沈水香護摩十萬編別一擲火中日誦萬言耳所曾聞經典乃至終身不忘

又法取黃乳牛子母同色者搗乳成酪抨酥於金器中盛誦真言加持十萬編即喫得聞持不忘日誦萬言

又法取練子塈香油護摩十萬編一切囚閉

被禁縛人皆得解脫

又法若見怨家心誦真言彼起慈心不能爲害
又法一切疾病誦真言加持楊枝拂彼即除愈

又法取五色線結索加持七編繫臂一切鬼魅悉皆遠離

又法加持淨灰七編遶壇散之即成結界

又法婦人不收男女者月經後取母子同色牛乳加持一百八編令彼女人禮佛菩薩令飲又煮乳粥和酥加持一百八編與服即生福德具相之男

又法作先行法像前香華供養取沈香可如大拇指搘節搘酥合油護摩七日日三時時別

誦謳一千八編偏別一擲火中即得持明仙安怛但那成就足離地疾行及得聞持不忘

聖迦拏忿怒金剛童子菩薩成就儀軌經卷中

聖迦拏忿怒金剛童子菩薩成就儀軌經卷下

大興善寺三歲沙門不空譯

我今說縛撲印法先以瞿摩夷塗一圓壇一肘量取七八歲童男或童女著新淨衣先令潔淨三日立於壇中燒安息香先加持香七編然後燒之又取華加持七編置童子當中

武八

令掩面然後行者結契誦真言行者面向東童子面向西其印以二手內相义作拳二小指相鈎以大指並豎捻如鈎鎖形安於額牢掘彼童男即語以二大指向外撥童子即卻遠後行二大指向身招童子即向前來即成鈎召以印左右揮其童子即隨印左右撲舉

印向上童子即立問其吉凶三世之事一一

皆實所作疾成
余時金剛手菩薩以偈頌曰

此金剛童子 從我三昧生 成辦一切事
忿怒王大力 即我金剛手 調伏難調者
能滅除諸罪 暴惡諸藥叉 及諸羅刹衆

惱害修行者 令彼速除滅 梵王及帝釋
水天諸天王 及餘威德者 刹那令滅壞
受持者應當 入忿怒王定 威德如金剛
能伏難調者 悉皆令順伏
又法取蓮華或有香氣華護摩所求皆得
又結印誦吽字真言即得山嶽摧倒亦能枯